



კოალიცია
დამოუკიდებელი
და გამჭვირვალე
მართლმსაჯულებისთვის
Coalition for
an Independent and
Transparent Judiciary

საქართველოს იუსტიციის უმაღლესი საბჭოს
თავმჯდომარეს, ქ-ნ ნინო გვენეტაძეს

პატივცემულო თავმჯდომარე,

ჩვენ, არასამთავრობო ორგანიზაციათა კოალიცია „დამოუკიდებელი და გამჭვირვალე მართლმსაჯულებისთვის“ მოგმართავთ და მოგიწოდებთ, შეჩერდეს თბილისის საქალაქო სასამართლოს თავმჯდომარის პოზიციაზე კანდიდატის დანიშვნა.

საქართველოს იუსტიციის უმაღლესი საბჭოს 2016 წლის 22 თებერვლის #1/93 გადაწყვეტილების საფუძველზე, ბატონი მამუკა ახვლედიანი გათავისუფლებულ იქნა თბილისის საქალაქო სასამართლოს თავმჯდომარის თანამდებობიდან. ამჟამად თავმჯდომარის მოვალეობას ასრულებს სამოქალაქო კოლეგიის თავმჯდომარე, გიორგი ებანოიძე. თუმცა, როგორც ცნობილი გახდა, ამა წლის 4 მარტს იგეგმება იუსტიციის უმაღლესი საბჭოს მიერ თბილისის საქალაქო სასამართლოს თავმჯდომარის დანიშვნა.

გათავისუფლების შესახებ ბრძანება სასამართლო წესით ერთი თვის ვადაში საჩივრდება. შესაბამისად, მიმდინარე წლის 2 მარტს მამუკა ახვლედიანმა მიმართა განცხადებით თბილისის საქალაქო სასამართლოს დროებითი განჩინების გამოტანის მოთხოვნით. განცხადება, ისევე, როგორც სრული დავა, უნდა განიხილოს და გადაწყვიტოს სასამართლომ.

„საერთო სასამართლოების შესახებ“ საქართველოს კანონის 32-ე მუხლის შესაბამისად, სასამართლოს თავმჯდომარის თანამდებობიდან განთავისუფლების საფუძველები და კრიტერიუმები განსაზღვრული არ არის. მსგავსი რეგულაცია არ არის გაწერილი არც მოცემული ურთიერთობის მომწესრიგებელი რომელიმე სხვა აქტით. შესაბამისად, საკანონმდებლო დონეზე მოწესრიგებული არ არის საქალაქო სასამართლოს თავმჯდომარის განთავისუფლების უკანონოდ ცნობის შემთხვევაში მის ნაცვლად უკვე დანიშნული თავმჯდომარის განთავისუფლების საკითხი. შესაბამისად, იმ შემთხვევაში, თუ დაკმაყოფილდება მამუკა ახვლედიანის სასარჩელო მოთხოვნა, კერძოდ, ბათილად იქნება ცნობილი იუსტიციის უმაღლესი საბჭოს 2016 წლის 22 თებერვლის #1/93 განკარგულება და ამასთან დაევალება იუსტიციის უმაღლეს საბჭოს მისი თბილისის საქალაქო სასამართლოს თავმჯდომარის თანამდებობაზე აღდგენა და მოცემულ თანამდებობაზე უკვე დანიშნული იქნება ახალი თავმჯდომარე, სასამართლო გადაწყვეტილების აღსრულება აღდგენის ნაწილში არა თუ გამწვანდება, არამედ შეუძლებელი გახდება. ერთი მხრივ, სახეზე იქნება განთავისუფლების უკანონოდ ცნობა, მეორე მხრივ, შეუძლებელი იქნება აღდგენის ნაწილში სასამართლოს გადაწყვეტილების აღსრულება, რადგან თავის მხრივ კანონიერ ძალაში შესული სასამართლო გადაწყვეტილების არსებობა ახლად დანიშნული თავმჯდომარის განთავისუფლების საფუძველს არ წარმოადგენს.

კოალიციის წევრები:
კონსტიტუციის 42-ე მუხლი
მრავალეროვანი საქართველო
საქართველოს მცირე და
საშუალო საწარმოთა
ასოციაცია
სამოქალაქო ინტეგრაციის
ფონდი
საქართველოს ადვოკატები
დამოუკიდებელი
პროფესიისათვის
ბიზნესისა და ეკონომიკის
ცენტრი
ლიბერალი
კონსტიტუციური უფლებების
დაცვის ცენტრი
სამართლიანი არჩევნებისა და
დემოკრატიის საერთაშორისო
საზოგადოება
კავშირი "21-ე საუკუნე"
საქართველოს ახალგაზრდა
იურისტთა ასოციაცია
ადამიანის უფლებათა ცენტრი
საერთაშორისო
გამჭვირვალე საქართველო
დემოკრატ მესხთა კავშირი
თავისუფლების ინსტიტუტი
საქართველოს ადვოკატთა
ასოციაცია
სამოქალაქო განვითარების
სააგენტო
საქართველოს გაეროს
ასოციაცია
ევროპის იურისტ სტუდენტთა
ასოციაცია
სამოქალაქო საზოგადოების
ინსტიტუტი
ფონდი ღია საზოგადოება
საქართველო
დემოკრატიის ინსტიტუტი
ამერიკის სავაჭრო პალატა
ევრაზიის თანამშრომლობის
ფონდი
ინფორმაციის თავისუფლების
განვითარების ინსტიტუტი
ადამიანის უფლებათა
პრიორიტეტი
თბილისის მედია კლუბი
ადამიანის უფლებების
სწავლებისა და
მონიტორინგის ცენტრი
იურიდიული განათლების
ხელშეწყობის ფონდი
სამოქალაქო ჩართულობის
ინსტიტუტი
საქართველოს იურიდიული
ფორუმის ასოციაცია
საქართველოს ახალგაზრდა
ეკონომისტთა ასოციაცია
საქართველოს ევროპული
არჩევანი
ლიბერალური აკადემია
თბილისი
პარტნიორობა ადამიანის
უფლებებისათვის
ადამიანის უფლებათა ქსელი
საქართველოს
დემოკრატიული ინიციატივა
კავშირი „საფარი“

უფლებების სასამართლო წესით დაცვის შემთხვევაში, დამატებით აუცილებელია გამოყენებულ იქნას ღონისძიება, რომელიც აღმოფხვრის გადაწყვეტილების აღსრულების შეუძლებლობის ფაქტობრივ და სამართლებრივ საფუძვლებს და ეს ღონისძიება უნდა იყოს ახალი კანდიდატის დანიშვნის შეჩერება.

თბილისის საქალაქო სასამართლოს თავმჯდომარის პოზიციაზე ახალი კანდიდატის დანიშვნით ჩნდება საშიშროება, რომ არსებული მდგომარეობის შეცვლით ხელი შეეშლება ბატონი მამუკა ახვლედიანის უფლების რეალიზაციას, ან აღნიშნული მნიშვნელოვნად გაართულდება. არსებული სამართლებრივი სისტემიდან გამომდინარე, იმ შემთხვევაში თუ სარჩელის დაკმაყოფილების მომენტი სათვალის აღარ იარსებებს შესაბამისი ფაქტობრივი გარემოებები, ანუ ვაკანტური არ იქნება თავმჯდომარის თანამდებობა, გადაწყვეტილება აღდგენის ნაწილში ვერ აღსრულდება ფაქტობრივი და სამართლებრივი გარემოებების გამო. სწორედ ამიტომ, მოგმართავთ იუსტიციის უმაღლეს საბჭოს, თავი შეიკავოთ მოქმედების განხორციელებისაგან, კერძოდ, თბილისის საქალაქო სასამართლოს თავმჯდომარის დანიშვნისაგან, სანამ არსებული დავის ნაწილში არ იქნება სასამართლოს საბოლოო გადაწყვეტილება.

ამასთან, უნდა აღინიშნოს, რომ არსებული მდგომარეობით გადაუდებელ საჭიროებას არ წარმოადგენს თბილისის საქალაქო სასამართლოს თავმჯდომარის დანიშვნა. 2016 წლის 22 თებერვალს, მამუკა ახვლედიანის თანამდებობიდან განთავისუფლების დღესვე საბჭოს გადაწყვეტილებით თბილისის საქალაქო სასამართლოს თავმჯდომარის მოვალეობის შესრულება დაეკისრა სამოქალაქო საქმეთა კოლეგიის თავმჯდომარეს, გიორგი ებანოძეს. „საერთო სასამართლოების შესახებ“ საქართველოს კანონის შესაბამისად, თავმჯდომარის მოვალეობის შემსრულებელი იგივე უფლებამოსილებით სარგებლობს, რა უფლებამოსილებაც თავმჯდომარეს გააჩნია და ასევე, არ არის უფლებამოსილების განხორციელების ლიმიტირებული ვადა. შესაბამისად, დანიშვნის გადავადების შემთხვევაში არ დაზარალდება არც თბილისის საქალაქო სასამართლოს საქმიანობა და არც რაიმე საფრთხეს/შეფერხებას შექმნის მისი ადმინისტრირების კუთხით.

ამასთან, ხაზგასმით უნდა აღინიშნოს, რომ იუსტიციის უმაღლესი საბჭო დაინტერესებული უნდა იყოს მართლმსაჯულების აღსრულებით. მართლმსაჯულება კი დავის მხოლოდ სასამართლოს მიერ განხილვას არ გულისხმობს და თავისთავში ის მოიცავს სასამართლოს გადაწყვეტილების აღსრულების უზრუნველყოფას. შესაბამისად, მოვუწოდებთ საბჭოს, შეაჩეროს ახალი თავმჯდომარის შერჩევა/დანიშვნის პროცესი და ამით ხელი შეეწყოს მართლმსაჯულების განხორციელებას.

პატივისცემით,

ანა ნაცვლიშვილი
გამგეობის თავმჯდომარე